

LE  
COVRT-BOVILLOI  
DE MAZARIN,

ASSAISONNE' PAR TOVTES LES BONNES  
VILLES DE FRANCE.



A PARIS, chez CLAYDE MORLOT, rue de la Bucherie.

31

167000

167000

167000

167000

167000

167000

167000

167000

167000

167000

167000

167000

167000

167000

167000

167000



*LE COVRT-BOVILLON DE MAZARIN,  
assaisonné par toutes les bonnes Villes de France.*

**I**Vsques à quand ô Perfide & Impie Monopoleur ta rage effrenée allumera-elle le feu de discord dans ce Royaume ? Iusques à quand abuseras-tu nostre Roy, la Roynes, & tout l'Estat ? Ne verrons-nous iamais la fin de ta fureur ? Ne verrons-nous point ta Rebellion b orée d'un Epilogue sanglant de malheurs, où tu puisse estre enseuelis avec tes adherans miserables comme toy, pour ne renaistre iamais, dans l'enclos de cest Empire. Siecle maudit puis qu'il produit, hélas ! de si perfides & infames auortons : Miserables, puis qu'ils sont si desnaturez : Malheureux mil fois, puis qu'ils bannissent de leur front toute honte. N'as-tu pas chassé de ton visage tout le respect que tu dois à la France, la source de ton bon-heur, & ton azile plus solide. Chers François conseillez-moy à qui i'adresseray mes plaintes, i'entends vostre voix qui m'exitte de m'adresser à celuy que ie me suis proposé, pour Antagoniste du motif de mon labeur. C'est à toy Mazarin, a qui ie parle : C'est ton mauvais conseil que i'attaque, Mutin qui pence par tes menaces faire trembler la Monarchie Françoisse ? Crois-tu bien soustenir ton audace du bouclier de ton effronterie

& arrogance ? N'apprehende-tu point les coups de foudres que nos Guerriers François vont dardant maintenant sur toy ? Jusques à tel temps produiras-tu tes insolences, ne verrons-nous pas en bref ton pernicieux conseil avec toy renuerfé de fond en comble, Perfide & Infame, Faut-il qu'un Roy si doux & si debonnaire, de qui la Iustice moule les actions, & à qui le Ciel distille tant de grace, ait esté charmé aussi bien que la Roynes, de tes appas trompeurs, au point de l'auoir faict sortir de son siege, enleué de son liét où il prenoit son repos, pour luy faire abandonner son peuple. Depuis ce iour fatal que nostre Roy nous a esté rauy, & que tu as enuenimé les Princes par tes monstrueuses & damnables propositions, on ne void naistre que malheurs, que desolation, que calamitez publiques & que discorde parmy la France, c'est Empire auparauant le seiour de la paix & la demeure ordinaire des Vertus, ou avec seureté elles auoient restably les anciennes richesses du siecle de Saturne, & fait renaistre la Majesté auguste de nos premiers Peres, & des sacrez rejettons de l'Eglise, a esté d'autant rabaisée de son premier degré, qu' auparauant il auoit vn ascendant aduantageux sur les autres parties du monde : mais depuis quelques années ou vous a porté vostre rage effrenée, nous voyons nos Prouinces souffrir des extorsions estranges par vostre mauuais conseil, qu'elle pillerie n'avez-vous point faites sur le peuple par nouvelles daces, tost ou tard il faut succomber & quitter  
cét os

cet os si long-temps rongé par vous , il faut demordre & abandonner la place ou vous auiez deliberé d'establir vostre Empire , voicy des iours qui vous sont bien Caniculaires & Climateriques. Avec combien de regret voyez-vous nos François abbatre vostre audace. Avec quelle douleur voyez-vous tant de Lauriers & de ieunès Mars Couronnez de Palmes , se joindre pour stipuler l'intereſt de la Couronne , & luy faire vne Guillande qui fera eternellement fleurir son courage. Il faut prendre patience, la Frâce ne sera pas tousiours affligée, la Populace ne sera pas tousiours en misere, le troupeau esleu ne sera pas tousiours tourmenté des Loups, les François ont trop de courage, qui ne perde rien de leur premiere vigueur. Preparez-vous donc, lauez-vous la main, armez-vous du signe de la Croix, si vous estes Chrestien, & receuez (ce Court-Boüillon) que ie vous apporte pour vous reſtablir vostre priſtine ſanté, & vous reintegrer de la ceruelle pour remplir le vuide de vostre Craſne, comme les forces d'eſprit qui vous ont quitté au beſoin, qui vous a fait abandonner le repos au temps que vous lauez deu plus cherir, vous m'accuſerez peut-eſtre de trop de temerité de vous auoir preparez ce Boüillon en vn temps ſi faſcheux, & où il ſemble que le Ciel n'ait des foudres que pour ſe vanger de vos reuoltes, toutesſois ce n'eſt que la cherité qui m'y a pouſſé, ayant compaſſion de la maladie d'eſprit qui vous perſecute, conſiderant qu'vn Court-Boüillon eſt excellent aux Frenetiques, Ie

B

vous eusse bien fait vn potage blanc pòur vous refaire de toutes les camifades qu'on vous a donné, mais i'ay preueu que cela vous eut eschauffé le sang, mesme auois-ie quelque intention de vous faire vn hachis, nos François en prèdront le soin aussi bien que d'vne Capilotade qu'o vous fait avec vne fricassée à la Cicylienne. Pour moy ie me contente de vous accommoder au Cour-Boüillon, scachât que vous aymez le haut goust à la façon des Reîtres, Le lieu ou ie vous veux apprester & faire cuire ce Court-Boüillon est dans Paris; qu'avez mis en alarme, lequel fournira d'ingrediens pour auancer & finir vostre carriere. Chartre me fournira de Vinaigre au souuenir de la retraitte qu'avez demandé à y faire. Lyon fournira de poiure, Grenoble de cloux de girofle, Aix d'espices douces. Dijon fournira de verjus & de moutarde, Marseille & nos autres ports de mer fourniront d'oignons & de tous autres ingrediens necessaires. Le vinaigre vous fera sentir l'aspreté de sa pointe & le goust indigeste de sa crudité, le verjus qui ne laissera meurir d'auantage vos desfeins & vos monopolles, ains par vn restringent à ce requis vous coupera l'herbe sous le pied pour vous faire sauiouer la crimonie de son goust, le poiure vous eschauffera tellement le sang, que la pleuresie butinera le reste de vos iours. Le cloux de girofle doit enfin vous faire sentir les pointes de l'ire du Ciel. L'espice vous represente vostre procesz fait & parfait, comme au plus scelestar de la Nature. Bref les ingrediens de cé CourBoüillon

7  
Ion ainsi assaisonné par la mixtion dangereuse de leur nature doiuent engendrer en vous des qualitez qui vous contraindront de quitter la France. Il ne faut plus faire la Chatemitte, il faut humer la sauce, Reines, Nantes & Rouën fourniront de poisson, ou pour mieux dire de contrepoison pour vous faire succomber sous vos reuoltes. Monsieur le Duc de Beaufort & d'Elbceuf, Frinces genereux, vous contraindront de l'aualer au plus fort de vos laschetes. L'Escole de Medecine ne vous seruira de rien, pour consulter vostre maladie, puis qu'une pleuresie ne demande que la seignée, la queue du poisson vous engendrera des syncopes, mal de cœur & indigestions d'estomach, priez Dieu pour les mal traitez, ce que ie trouue de pire est que les Medecins de Paris ne vous pourront secourir, d'autant qu'ils s'occupent à faire vne salade. Or ie reuiens à vous, Mazarin, pour vous dire qu'aux derniers de vos iours, & dans l'extremité de vostre vie, deuriez plustost faire bastir vostre sepulture, que de souiller vostre Caractere d'une si infame & perfide rebellion. Quel honneur esperez-vous que la France rende à vos cendres, quel titre quel epitaphe grauerons les François sur le marbre infortuné de vostre tombe, puis qu'au temps que vous deuez faire preuue de vostre fidelité enuers ce Royaume, de qui auez receus de si aduantageux priuileges, vous minutez la ruine de son Estat, & donnez force & alaine à l'ennemy qui se fortifie voyant nostre trouble. Failloit il apres tant de

biens-faits, tant de graces speciales que vous'a prodigué le feu Roy, & vne infinité d'autres faueurs concedées par sa Majesté, heureusement regnant, que vos vieux iours fussent ternis & obscurcis, d'un si noir & tenebreux broüillars de réuolte. N'avez-vous point herité de prudence de vos ancestres, où est la foy & le respect que vous deuez à la France. Regrettez vos fautes & plorez vos forfaits, pendant la France vous banny pour iamais.





